

地藏菩萨本愿经 阿弥陀经

河北省佛教协会虚云印经功德藏 印行





地藏菩薩本願經
佛說阿彌陀經

河北省佛教協會虛雲印經功德藏



地藏菩薩本願經 佛說阿彌陀經

◎出版 / 虛雲印經功德藏

◎流通 / 虛雲禪林法物流通中心

地址 / 河北省石家莊市于底村虛雲禪林

電話 / 0311-3631695

郵編 / 050071

◎印刷 / 石家莊榮祥印刷有限公司


◎印張 / 3.5 字數 / 24.5 千

◎印數 3000 冊

◎開本 / 850 × 1168 1/32

◎准印 / 冀出內准字(2001)第 A362 號

內部資料 免費贈閱





虚云印经功德藏

“虚云印经功德藏”是河北省佛教协会于一九九〇年，为纪念虚云老和尚诞辰一百五十周年成立的一个常设性佛教图书出版机构。它以“募集净资，印赠佛经，弘扬正法，净化人心，努力发展佛教文化事业”为宗旨。十多年来，先后出版了上百种佛教图书，在教界赢得了良好的声誉，为佛教文化的传播做出了贡献。

“虚云印经功德藏”接受海内外教界同仁的委托出版业务。所收印经功德款，单独立账，专款专用，在《法喜》上公布收支情况和刊登“功德芳名录”。

虚云印经功德藏 谨启

地址：河北省石家庄市于底村虚云禅林
电话：0311-3631695 邮编：050071
收款：虚云禅林法物流通中心
户名：河北省佛教协会虚云禅林
开户：中国银行河北省分行机场路营业部
帐号：00125808091001
<http://www.chancn.com>
E-mail: yinjing@chancn.com

虚云印经功德藏
佛教图书结缘赠送

- 《禅》杂志（请注明期号）
- 《法喜》（佛教信息报）
- 《柏林禅话》（净慧法师著）
- 《入禅之门》（净慧法师著）
- 《何处青山不道场》（净慧法师著）
- 《在家教徒必读经典一》（净慧法师编）
- 《在家教徒必读经典二》（净慧法师编）
- 《六祖坛经》（法海集录）
- 《地藏菩萨本愿经》（实叉难陀译）
- 《佛说无量寿经》（康僧铠译）
- 《佛说未曾有因缘经》（萧齐沙门释昙景译）

香 讚

爐香乍爇。法界蒙熏。諸佛海會悉遙聞。

隨處結祥雲。誠意方殷。諸佛現全身。

南無香雲蓋菩薩摩訶薩

淨口業真言

唵 修唎修唎 摩訶修唎 修修唎 薩婆訶

淨身業真言

唵 修哆唎 修哆唎 修摩唎 修摩唎 薩婆訶

淨意業真言

唵 嚩日囉怛訶賀斛

安土地真言

南無三滿哆 沒馱喃 唵 度嚕度嚕 地尾 薩婆訶

普供養真言

唵 誡誡囊 三婆嚩鞞日囉斛

南無常住十方佛

南無常住十方法

南無常住十方僧

南無本師釋迦牟尼佛 南無大悲觀世音菩薩

南無大願地藏王菩薩 南無護法諸天菩薩

覺林菩薩偈

華嚴第四會。夜摩天宮。無量菩薩來集。說偈讚佛。
爾時覺林菩薩。承佛威力。遍觀十方。而說頌言。

譬如工畫師。分布諸彩色。虛妄取異相。
大種無差別。大種中無色。色中無大種。
亦不離大種。而有色可得。心中無彩畫。
彩畫中無心。然不離於心。有彩畫可得。
彼心恒不住。無量難思議。示現一切色。
各各不相知。譬如工畫師。不能知自心。
而由心故畫。諸法性如是。心如工畫師。

能畫諸世間。五蘊悉從生。無法而不造。
如心佛亦爾。如佛眾生然。應知佛與心。
體性皆無盡。若人知心行。普造諸世間。
是人則見佛。了佛真實性。心不住於身。
身亦不住心。而能作佛事。自在未曾有。
若人欲了知。三世一切佛。應觀法界性。
一切唯心造。

開經偈

無上甚深微妙法 百千萬劫難遭遇
我今見聞得受持 願解如來真實義

【地藏菩薩本願經】卷上

唐于闐國三藏沙門實叉難陀 譯

忉利天宮神通品第一

如是我聞。一時佛在忉利天，為母說法。爾時十方無量世界，不可說不可說一切諸佛，及大菩薩摩訶薩，皆來集會。讚歎釋迦牟尼佛，能於五濁惡世，現不可思議大智慧神通之力，調伏剛強眾生，知苦樂法，各遣侍者，問訊世尊。是時，如來含笑，放百千萬億大光明雲，所謂大圓滿光明雲、大慈悲光明雲、大智慧光明雲、大般若

光明雲、大三昧光明雲、大吉祥光明雲、大福德光明雲、大功德光明雲、大歸依光明雲、大讚歎光明雲、放如是等不可說光明雲已。又出種種微妙之音，所謂檀波羅蜜音、尸波羅蜜音、羼提波羅蜜音、毗離耶波羅蜜音、禪波羅蜜音、般若波羅蜜音、慈悲音、喜捨音、解脫音、無漏音、智慧音、大智慧音、師子吼音、大師子吼音、雲雷音、大雲雷音、出如是等不可說不可說音已，娑婆世界，及他方國土，有無量億天龍鬼神，亦集到忉利天宮，所謂四天王天、忉利天、須焰摩天、兜率陀天、化樂天、他化自在天、梵眾天、梵輔天、大梵天、少光天、無量光

天、光音天、少淨天、無量淨天、遍淨天、福生天、福愛天、廣果天、無想天、無煩天、無熱天、善見天、善現天、色究竟天、摩醯首羅天、乃至非想非非想處天，一切天眾、龍眾、鬼神等眾，悉來集會。復有他方國土，及娑婆世界，海神、江神、河神、樹神、山神、地神、川澤神、苗稼神、晝神、夜神、空神、天神、飲食神、草木神、如是等神，皆來集會。復有他方國土，及娑婆世界，諸大鬼王。所謂：惡目鬼王、噉血鬼王、噉精氣鬼王、噉胎卵鬼王、行病鬼王、攝毒鬼王、慈心鬼王、福利鬼王、大愛敬鬼王，如是等鬼王，皆來集會。爾時釋迦牟尼佛、告文殊

師利法王子菩薩摩訶薩：汝觀是一切諸佛菩薩。及天龍鬼神，此世界他世界，此國土他國土，如是今來集會到忉利天者，汝知數不？文殊師利白佛言：世尊，若以我神力，千劫測度，不能得知。佛告文殊師利：吾以佛眼觀故，猶不盡數。此皆是地藏菩薩久遠劫來，已度、當度、未度，已成就、當成就、未成就。文殊師利白佛言：世尊，我已過去久修善根，證無礙智。聞佛所言，即當信受。小果聲聞、天龍八部、及未來世諸眾生等，雖聞如來誠實之語，必懷疑惑。設使頂受，未免興謗。唯願世尊、廣說地藏菩薩摩訶薩，因地作何行？立何願？而能成就

不思議事。佛告文殊師利：譬如三千大千世界所有草木叢林、稻麻竹葦、山石微塵，一物一數，作一恒河；一恒河沙，一沙一界；一界之內、一塵一劫，一劫之內，所積塵數，盡充為劫，地藏菩薩證十地果位已來，千倍多於上喻。何況地藏菩薩在聲聞、辟支佛地。文殊師利，此菩薩威神誓願，不可思議。若未來世，有善男子、善女人，聞是菩薩名字，或讚歎、或瞻禮、或稱名、或供養，乃至彩畫刻鏤塑漆形像，是人當得百返生於三十三天，永不墮惡道。文殊師利，是地藏菩薩摩訶薩，於過去久遠不可說、不可說劫前，身為大長者子。時世有佛，號曰師子

奮迅具足萬行如來。時長者子，見佛相好，千福莊嚴，因問彼佛：作何行願，而得此相？時師子奮迅具足萬行如來告長者子：欲證此身，當須久遠度脫一切受苦眾生。文殊師利！時長者子，因發願言：我今盡未來際不可計劫，為是罪苦六道眾生，廣設方便，盡令解脫，而我自身，方成佛道。以是於彼佛前，立斯大願，于今百千萬億那由他不可說劫，尚為菩薩。又於過去，不可思議阿僧祇劫，時世有佛，號曰覺華定自在王如來，彼佛壽命，四百千萬億阿僧祇劫。像法之中，有一婆羅門女，宿福深厚，眾所欽敬；行住坐臥，諸天衛護。其母信邪，常輕三寶。是

時聖女廣設方便，勸誘其母，令生正見，而此女母，未全生信，不久命終，魂神墮在無間地獄。時婆羅門女，知母在世，不信因果。計當隨業，必生惡趣。遂賣家宅，廣求香華，及諸供具，於先佛塔寺，大興供養。見覺華定自在王如來，其形像在一寺中，塑畫威容，端嚴畢備。時婆羅門女，瞻禮尊容，倍生敬仰。私自念言：佛名大覺，具一切智。若在世時，我母死後，儻來問佛，必知處所。時婆羅門女，垂泣良久，瞻戀如來。忽聞空中聲曰：泣者聖女，勿至悲哀，我今示汝母之去處。婆羅門女合掌向空，而白空曰：是何神德，寬我憂慮。我自失母已來，晝夜

憶戀，無處可問知母生界。時空中有聲，再報女曰：我是汝所瞻禮者，過去覺華定自在王如來，見汝憶母，倍於常情眾生之分，故來告示。婆羅門女聞此聲已，舉身自撲，肢節皆損。左右扶持，良久方蘇。而白空曰：願佛慈悲，速說我母生界，我今身心，將死不久。時覺華定自在王如來，告聖女曰：汝供養畢，但早返舍，端坐思惟吾之名號，即當知母所生去處。時婆羅門女尋禮佛已，即歸其舍。以憶母故，端坐念覺華定自在王如來。經一日一夜，忽見自身到一海邊。其水涌沸，多諸惡獸，盡復鐵身，飛走海上，東西馳逐。見諸男子女人，百千萬數，出